

Me pēhea te whakarite, ā he aha ngā mea hei kawe mai i te wā e

tono ana i tētahi pūtea taurewa

I te wā e tono ana koe i te pūtea taurewa, me oti i ngā kaituku tētahi aromatawai tareka ā-utu, huatau hoki ki te whakarite kia kore e uaua mōu ki te utu i te pūtea taurewa.

Ko te tikanga me whiwhi rātou i ngā mōhiohio āmiki me ngā tuhinga mō te kaupapa o te pūtea taurewa, ō moni whiwhi, ō whakapaunga me te āhua o tō noho ināiane, me ētahi tūpono panonitanga ki te moni whiwhi e whirinaki ana koe hei utu i te pūtea taurewa.

Ka roa kē atu pea te tukanga tono, ka nui ake hoki ngā mahi, ahakoa e tono ana pea koe i tētahi pūtea taurewa iti, e whakapiki ana rānei koe i tētahi pūtea taurewa kua whiwhi kē koe.

He aha ngā tūmanakohanga mai i ngā kaituku

Ka whiua e ngā kaituku ētahi pātai e pā ana ki;

- te moni whiwhi e whirinakitia ana e koe ki te utu i te pūtea taurewa
- ngā whakaritenga, ngā take rānei e mōhio nei koe kei panoni te āhua o ō moni whiwhi anamata, whakapaunga rānei
- ētahi whakapaunga ohorere kei tūpono pā ki tō āhei ki te utu i te pūtea taurewa
- te nui o te moni tāpiri ka hiahia koe i tō mahere pūtea i muri i te tāpiri i ngā tūpono utu pūtea taurewa.

Tuku i ngā mōhiohio tika

Me whiwhi ngā kaituku i ngā mōhiohio horopū ki te whakatau i ngā whakataunga tuku moni pai.

Kaua e huna i ngā kōrero

Me tuku rawa i ngā mōhiohio katoa e taea ana e koe ki te kaituku pūtea, inakoa mō ngā āhuatanga kei pā pea ki ō moni whiwhi, whakapaunga rānei i muri i te whiwhi i te pūtea taurewa.



I a koe e tono ana i tētahi pūtea taurewa, me whai koe i ngā tuhinga e whakaatu ana i:

- tō moni whiwhi auau, pēnei i ngā pepa utu, ngā tauākī pēke rānei
- ō whakapaunga i te wā nei
- ētahi atu utunga nama
- ngā tauākī pēke mai i tō pūkete whakawhiti moni mō ngā marama e toru kua taha atu
- ētahi atu tuhinga hāngai, hei tauira, tō kirimana mahi mēnā he hamanga tō mahi, he taupua rānei, mēnā rānei e whakahaere ana koe i tētahi wā whakamātautau toru marama.

Mēnā e whiwhi moni ana koe i tētahi atu wāhi, pēnei i te kainoho i tō kāinga, whakaarotia me pēhea tō whakaatu i ngā taunakitanga o tēnei moni whiwhi ki te kaituku, ā, me te roa pea o tēnei whakaritenga.

Ngā tautoko mai i tō hapori

Me whiwhi rawa te nuinga o tātou i te tautoko, e tika ai ngā whakataua mō te moni, he wā anō he āwhina pea te kōrero ki ētahi tangata motuhake.

He waea āwhina koreutu a MoneyTalks e wātea ana ki te tuku tohutohu koreutu mō te moni ki ngā tāngata me ngā whānau. Ka taea e ngā kaiwhakaruruhau a Moneytalks te āwhina i a koe; kia mārara ki tō tūnga ahumoni, te whakahaere i ō nama, te whakarite mō te anamata, te whakapā atu rānei ki te ratonga whakaruruhau ahumoni i tō hapori

Waea atu ki MoneyTalks i
0800 345 123 haere rānei ki
moneytalks.co.nz

